

سنه لکی در سعادت ایچون مجیدیه
بکرمی غروش حسابیله النش
غروشدر

طشره ایچون پوسته اجرئی اوله رق
اون بش غروش ضم اولنور

نسخه سی ۴۰ پاره در

قانون مجازات

آبونه اولق ایستینلردا اثره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تجربین و تحقیق

رازلق قضاسی بدایت محکمه سی، اعضا لغنه
نوشهر قضاسی بدایت محکمه سی مستنطق معاون سابق
پانده لی افندی تعیین اولمشدر.

تبلیغات

عدلیه نظارت جلیله سنده ولایات شاهانه استیناف
مدعی عمومی بطرینه نظمیر قلناه تحریرات عمومی
صورتیدر:

ولایات والویه ملحقه مراکزنده متشکل عدلیه
انجمنلرنجه مرتبه اولی مأمورینی حققرنده اجرا قلنان
اتخابات و جریان ایدن معاملاتی متضمن مضابط ایله
اوراق متفرعه سنک تبلیغات واقعه خلافه وقت
وزمانیله نظارته کوندرلیله رک آردن خلی مدت
مرورندن و بعضاً مأمورین منتخبه سنک صورت
انتخابلری قومیسون مخصوصنجه تدقیق و مأموریتلری
علی الاصول تصدیق ایدلمکسزین دیگر محله نقل
وتحویللری کی معامله جریانندن سوکره ارسال
قلنمقده و امر انتخابه اصول وقاعده تسلسله رعایت
اولمایه رق محاکمک بتون معاملات تحریریه و قیدی سنی
واعضائک غیوبت و یا معذرتی ظهورنده وکالت
وظیفه سنی ایفا ایله مکلف اولان قضا محاکمی برنجی
کتابتلیله معاملات محاکمک اساسی تشکیل وتأسيس
ایده جک وظائف مهمه قانونیه ایله مکلفیتلری درکار
بولنن مستنطق معاونلکدرینه محکمه مباشر
وملازمیلرینک دفعه انتخاباته کیدلمکده و بونلرمیاننده
مأموریت سابقه لرنجه ایلشیکلری و مانع استخدام
حاللری اولانلرده تصادف ایدلمکده اولمسی واوراق
انتخابیه ایله برلکده ارسالی اصول جاریه و مرعیه
ایجاباتندن اولان ترجمه حال ورقه لرنک اولجه کوندردلیکی
مضابط انتخابیه ده حکایه ایدیلرک تدقیقات و تحریرات
مقتضیه اجراسنه کفایت ایده جک تفصیلات و معلومات

اعطا واوراق مذکوره محتویاتی مثبت و نائق رسمیه سنک
معاً اسرا ایدلمامسی و امثالی نقصان و یولسز معاملاتک
اصلاح واکمالی انتخاب قومیسوننه عائد تدقیقات
و معاملاتکی تصعیب و اشکال و برچوق استعلامات
و مخابراتی و قیود مرکزیه جه محل انتظام احوالی
انتاج ایتکده و عدلیه انجمنلرنجه امر انتخابه نظر دقته
آله جق جهت مأمورین منتخبه سنک اهلیتلیله برابر
خدمات سابقه لرنجه ایلشیکلری و مانع استخدام حال
و حرکتلری اولوب اولمادیغک تحقیق و تحریرسندن
عبارت و بوده مأمورین مومی الیهک تراجم احوال
اوراقک تدقیق مندرجاتیه تحقق ایده جک بر کیفیت
اولدینی حالده اکثر انجمنلرنجه شوجهت مهمه سنک نظر
اعتنایه آلمانمقده اولدینی مستبان اولمقده بولنمنه بناء
مأمورین و مستخدمین عدلیه متعلق هر نوع وقوعاتک
بر انتظام مخصوص آلتنده ضبط و قیدی و ترجمه
حاللرنک تسجیل و تذیلی معاملاتکی تأمین مدار
اولق اوزره مرکز ولایت والویه انجمنلرنجه تسلسل
قاعده عادلانه سنه سوک درجه ده رعایت و مأموریت
سابقه لری اعتباریه مانع استخدام حال و حرکتلری
مشاهد اولانلرک و امور عدلیه ده خدمت و ملازمتلری
سبق ایتیانلرک انتخابندن بغایت توقی و محاببت ایدلمکده
برابر مأموریت سابقه سندن نقل و تحویل و یا عزل
و تبدیل ایدلمش اولان مأمورینک اسباب موجب
عزل و بجایشلرینک توضیحی و تراجم احوال اوراقک
سؤال خانلرنده مندرج تفصیلاته کوره جواب
ستونلرنده ایضاحات لازمه و کافیه اعطا و محاکمه آله
آنانلرک نتیجه محاکمه لری تهمت و یا برائندن هانکی سنی
انتاج ایتش ایسه بوجهتک اشعاری و امور جزائییه
مدیریتنجه تدقیق ایدلمامش اولان اوراق حکمیه ایله
ترجمه حال ورقه لری محتویاتی مؤید و نائق رسمیه
صورتلرینک آیری آیری ورقه لره یازیلرک تبغیا
نظامنامه جدیدی احکامنه نظراً پول الصاق و هر
برینک علی الاصول تصدیق و بویولده اوراق مثبت
ابراز ایده میان مأمورین حققرنده اولجه مستخدم
بولندقلری دواثرایله بالخباره صورت و مدت مأموریت

و مقدار معاشلرینه دائر آله جق معلومات قیدی بی حاوی
اوراقک تراجم احوال اوراقه ربطی و مستنطقک
واجرا مأموریتی و مقاولات محررلکی کی مأموریتلره
انتخاب ایدیلرک جکدرک قانوناً معین اولان شکل و صورتده
اجرای امتحانلریله اوراقک رد اولنیه جق حالده
مکمل و مصدق اوله رق اسبالی و مأمورین منتخبه سنک
اولجه بولندقلری مأموریتلره تاریخ تعیینلری و مدت
خدمت و مقدار معاشلری و اسباب انفصال و انفکاکلری
و شواحوال و کیفیاتک نه کی اوراق رسمیه و معلومات
قیودییه مستند اولدینی تاریخلری اعتباریه و صرهمسیله
خلاصه ورقه لرنده ذکر و تصریح ایدیلرک زیری
انجمن هیئتک مهر ذاتیلریله محتوم اولدینی حالده
اوراق انتخابیه ایله برلکده تسیاری اصولک جدا
محافظه سی و مراکز ولایات عدلیه انجمنلرنجه اجرا
قلنه جق انتخابات اوراقک تاریخ انتخابندن اعتباراً
نهایت یکرمی کون والویه ملحقه متعلق اوراق
انتخابیه سنک برآی ظرفنده همه حال جانب نظارته
ارسالی و داخل ولایتده هنوز مأموریتلری نظارتک
تصدیقنه ایتران ایتامش نه قدر مأمورین عدلیه وار
ایسه آنلره عائد اوراق انتخابیه سنک تعریفات واقعه یه
موافق صورتده سریعاً کوندرلمسی و معاملات
انتخابیه سنک سالف الذکر تفصیلاته مغایر صورتده
جریانندن ناشی انجمن هیئاتک مسئولیت و مؤاخذه لری
و مضابط انتخابیه سنک تعیین اولنن مدتلر ظرفنده
ارسال اولنماسندن واوراق متعلقه و مثبت سنک مضابط
مذکوره یه ربط ایدلمامش و یا نقصان کوندرلمش
اولسندن طولانی مراکز ولایاتده استیناف مدعی
عمومیلرینک و انجمنلر امور تحریریه سیله مکلف اولان
استیناف باش کاتبیلرینک ولوالرده مدعی عمومی
معاونلریله بدایت باش کاتبیلرینک ایلمک دفعه توخیلری
و تکرری حالده حققرنده معامله مؤثره انتباهیه
ارائه سی قطعاً مقرر بولنمش اولدیغک مرکز ولایت
ایله والویه ملحقه عدلیه انجمنلرینه و مدعی عمومی
معاونلریله کتبه مومی الیهمه تبلیغی ۵ تموز سنه ۳۳۲
تاریخ و ۱۶ نومرولی تحریرات عمومی ایله اشعار

ايدلديكى حالده انتخاب و تراجم احوال اوراقلك وقت وزمانيله ارسالى خصوصاً بجه بعض محارجه ينه تأخرات ايقاع ايدللكده اولدينى اكلاشلمسنة مبنى تبليغات واقعه نك تا كيدى ايله برابر محاكم عدليه ودوائر متعلقه سى معاملاتى قشيش اولندينى صروده مأمورين ومستخدمين ايجنده مأموريتلىرى غيرمصدق كيمسهره تصادف ايديلور ايسه بوكيلرك هانكى تاريخده كيمرك يرينه انتخاب اولنهرق مضطه وترجه حال ورقه لرى نه وقت كوندلش واوراق انتخابه لرى تنظيم ايدلديكى وياخود آرانيلان ترجمه حال ورقه لرينك ویرلديكى اكلاشيلور ايسه بونك اسباب موجبسى حقنده تدقيقات لازمه اجرا اولنهرق كيفيتك تحريات مخصوصه ايله نظارته ازدارى تعمياً عدليه مفشلكرينه تبليغ واشبو تحرياتك نسخ مضبوغة كافيه سى لفاً تسير قلنمش اولغله اقتضاسك ايفا وتبليغات واقعه احكامك حسن جريانه طرفكردن بالخاصه دقت واعتنا ايديلهرك بركونه تأخرات وقوعه ميدان ویرلامسى سياقنده شقة مخصوصه ترقيم قلندى .

محاکمات قضاة

در سعادت جنابت محكمه سنده :

ارباب فساددن اولدقلى ادا ساسيله متهم اولان وحال فرارده بولنان غمساغان ومائل و دادوم و روشن وطوماس واشوت ومارتن وشاهوینان نام شخصل در دست ايديله مامش اولدقلرندن تاريخدن اعتباراً جانب رياستدن كندولرینه مجدداً اون كون مهل اعطا قلمشدر مهل معین ظرفنده مرقومون محكمه يه كلدكلى حالده قانونه اطاعت ایتامش نظریله باقیله رق حقوق مدنيه دن اسقاط قلنه جقلى وعلیهلرنده دعوايه قیام اولنه جنی وبوصرده برکونه ادعايه حقلى اولهميه جنی وبالجمله ضابطه عدليه مأمور- لرينك كندولرینی طومتغه مجبور بولندقلرى كى معاملات حجزيه حقنده دخى مدعى عموميلكه تبليغات مقتضيه اجرا ايدلديكى جهته اصول محاکمات جزائیه قانونك اوچوز يتش برنجی و اوچوز يتش ايكنجى ماده لرندن استنباط

اولنان احكامه توفيقاً اشبو قرارنامه بالتتظيم اعلان اولنور .

کاظمی قتل ايتديكى ادا اولمسنندن دولاي جنایتله اتهام اولنان اسكندر وبره نوسك اون بش سته مدته كوركه قونلشنه دأر اركرى سنجایى بدایت محكمه سى جزا دأره سندن ویريلان ۳ نومرولى اعلام

حبيب بن صالحی قتل ايتديكى ادا اولمسنندن دولاي جنایتله اتهام اولنان جودينك اون بش سته مدته كوركه قونلشنه دأر بغداد ولايتى استيناف محكمه سى جزا دأره سندن ویريلان ۵۰ نومرولى اعلام

آراهجى كاظمی قتل ايتديكى ادا اولمسنندن دولاي جنایتله اتهام اولنان سعيك اون بش سته مدته كوركه قونلشنه دأر قوصوه ولايتى استيناف محكمه سى جزا دأره سندن ویريلان ۳۰۲ نومرولى اعلام

العبد بن موسى وبوغروني قتل ايتديكى ادا اولمسنندن دولاي جنایتله اتهام اولنان سلماك اون بش سته مدته كوركه قونلشنه دأر نابلس سنجایى بدایت محكمه سى جزا دأره سندن ايكنجى دفعه اولهرق ویريلان ۱۶۷ نومرولى اعلام

ايليا ولد يانين قتل قصديه جرح ايتديكى ادا اولمسنندن دولاي جنایتله اتهام اولنان خليلك اوچ سته مدته كوركه قونلشنه دأر قوصوه ولايتى استيناف محكمه سى جزا دأره سندن ویريلان ۴۰۲ نومرولى اعلام

اسماعيل استرنى ومحمد اسبنى و خانجى اسماعيلك يورغان ومعلوم المقدار تقودينى اخذوسرفت ايتديكى ادا اولمسنندن دولاي جنایتله اتهام اولنان خليلك اوچ سته مدته كوركه قونلشنه دأر معمورة العزيز ولايتى استيناف محكمه سى جزا دأره سندن ویريلان ۳۱۱ نومرولى اعلام

عدوله نك خانه سته كيره رك معامله جبر وشدت اجرا - سيله حلياتی غضب وبرداری عزیزی قتل قصديه جرح ايتديكى ادا اولمسنندن دولاي جنایتله اتهام اولنان سلماك اتى سته مدته كوركه قونلشنه دأر موصل ولايتى استيناف محكمه سى جزا دأره سندن ویريلان ۴۴ نومرولى اعلام محكمه تمييز جزا دأره سنجه تصديق قلمشدر .

در سعادت جنایت محكمه سندن تنظيم واعطا قتلان اعلامدر :

اوچوز يكرى اوچ سته سى اغستوسنك يكرى التنجي كيجه سى ساعت ايكي راده لرنده بك اوغلنده طولاب دره سنده منقصار جاده سنده زوجيه سى ردونيانى قتل قصديه جرح ايدلديكى اداسيله مظنون عليه اولان وبك اوغلنده قارناوالاده بوياجى زقاغنده ۳ نومرولى خانه ده ساكن وترزلك ايتكده ايدوكنى سويليان اون سكرز باشنده آتلى يوركى ولد واسيلك جنایتله اتهامنه دأر هيئت اتهامه دن تنظيم قتلان مضطه واستيناف مدعى عموميلكنك ۳۱ كانون ثانی سته ۳۲۳ تاريخ و ۹۴۲ نومرولى اتهامنامه سى اوراق مقررعه سيله برلكده محكمه جنایتله تدويع نلغمه بالمطالعه تفصيلاتى اولابده تنظيم ايديلان ضبطنامه دن مستبان اوله جنى اوزره اصول محاکمات جزائیه قانونك باب ثانیسنك فصل رابعنده محرر معاملات ابتدائیه بعد الايفاء متهم يوركنك اجرای محاكمه سى ايجون ۳۲۳ سته سى شاطنك يكرى بدنجى كوتى تعيين قلندى .

يوم مذكوره متهم مرقوم على الاصول توقيف خانه دن كتورديلهرك وكيلى پريكلس پوليوئوس افندى واستيناف مدعى عمومى معاونلرندن عزتله هجت بك ومدعية شخصيه ردونيا موقع مخصوص لرنده حاضر اولدقلرى حالده محاكمه سالوننه جقيه رق محاكمه عليه ووجهيه مباشرت ومتهمك لسان تركيه لايقيه وقوفى اولمادىنى بيان ايتسندن ناشى مع التحليف لسان ترجمانى تعيين قتلان دعوى وكلى افتادافدينك كاجى يكرى اوچ باشنده آستانه لى لئور افندى ولد يوركى معرفيله متهم مرقوم ايله وكيل مومى اليه اخطارات قانونيه ايفا قلندقدن صوكره هيئت اتهاميه مضطبه سى واتهامنامه ضبط كاجى على صائب افندى طرفندن قرائت اولندى .

مذكور مضطبه ده مظنون عليه يوركنك زوجيه سى ردونيانى بحاقه و قتل قصديه جرح ايلش اولمسنندن طولايي اتهامنه اوراق تحقيه ده محرر اخبارات ومعاييه راپورى مندرجاتى كافى كورلش وحركتى قانون جزانك يوز سكسانجى ماده سى حكمتى مستلزم افعال جنايه دن بولنش اولديغندن بحقه جنایتله اتهامه قرار ویرلديكى محرر واتهامنامه ده دخى مرقوم يوركنك مضطبه مذكوره مندرجاتى وجهله اتهام ايدلديكى مسطر در .

اتهامنامه نك خلاصه سى جانب رياستدن لسان ترجمانى واسطه سيله متهم يوركه تفهيم وتوضيح ومعاون مومى اليه طرفندن دخى دعوانك تشریح

كندوسندن جبراً باره طلب ايتديكى حالده ویرمديكندن طولايي خسومت پيدا ايدهرك اشبو كيجه ساعت ايكي قرارلرنده منقصار جاده سندن مرورى ائنده بحاقه صاغ اوموزى كوركندن جرح ايدوب فرار ايتديكى و محتاجه معاييه اولدينى ومدعاسنى قبور يوركى وترزى آندريا ايله اثبات ايدهركنى سويلش ومداوات اولهميه بالا اجرا خانه سته ياتيرلش وفرارى مرقوم در دست تحرى بولنش ايدوكى اشعار وراپورده دخى ردونيا معاييه اولندقه اوجى سيورى بر آلت قاطمه ايله حصوله كمش صاغ منكنك وسطى خلف سنده ايكي بحق سانيتمرو طولنده مستعرض برعددرجه كوريلوب طيب مداوبيسى طرفندن اوچ محندن اجرا اولنان درز لر دفع واخراج ايدللكده جرحه نك عمقى جوف صدره قدر تقرب ايتش نافذ بر جرحه اولدينى ومذكور جرحه نك اللى كونده يدبيوز اللى غروش اجرتله يكرى كوندن زياده ايشندن قاهره رق التيام ايدهركى ازار قلنشدر .

قرائت اولنان راپور وتقرير مندرجاته قارشو نه ديه چكى لسان ترجمانى معرفيله متهم يوركيدن صورلدقه قبول ايتيمه چكى جوانى آلتى .

(مابعدى كله جك نسخه يه)

اعلانات

در سعادت جنابت محكمه سنده :

احمدى قتل قصديه جرح ايدللكرى اداسيله متهم بولنان نظيف وحسنك شريك تهملرى اولوب قاسم باشاده دباغ خانه ميداننده بردكانده طوغرامه جيلق ايتكده ايكن فرار ايدن و اوصاف واشكالى غير مضبوط بولنان اخليا نام شخص در دست ايديله مامش اولديغندن تاريخدن اعتباراً جانب رياستدن كندوسنه مجدداً اون كون مهل اعطا قلمشدر مهل معين ظرفنده مرقوم محكمه يه كلدديكى حالده قانونه اطاعت ايتامش نظریله باقيه رق حقوق مدنيه دن اسقاط قلنه جنى وعلمهنده دعوايه قیام اولنه جنى ومحاكمه غاييه سى ائنده اموالنك حيز آلتنه آله جنى وبوصرده برکونه ادعايه حقى اولهميه جنى وبولندينى محلى بيلنلر خبر ویرمكه وبالجمله ضابطه عدليه مأمورلرينك كندوسنى طومتغه مجبور بولندقلرى امرى اعطا ومعاملات حجزيه حقنده دخى مدعى عموميلكه تبليغات مقتضيه اجرا ايدلديكى جهته اصول محاکمات جزائیه قانونك اوچوز يتش برنجى و اوچوز يتش ايكنجى ماده لرندن استنباط اولنان احكامه توفيقاً اشبو قرارنامه بالتتظيم اعلان اولنور .

در سعادت امور مات نظامه اجرا داره سنده : مالیه خزینة جلیله سنك وزنه دار اسبق متوفى محمد واصف افندى ذمتده محكوم به آله جنى اولان مبالغ معلومه نك تأمین استيفاسى ايجون مدبون متوفانك عهد سنده اولوب ورته سته انتقال ايدن كلك باشاده كلك باشا جاده سنده واقع ۲۹ نومرولى چفته حامك اون سكرز حصه اعتباريله مدبون متوفايه عايد شهرى ايكي يوز يكرى غروش ايجار كتورير بر حصه شايه سيله ينه متوفايه عايد چلچى اوغلى علاءالدين محله سنده تخميص اوكى جاده سنده واقع ۹۴ نومرولى وفوقنده بر باب اوطه يي مشتمل كار كير طاووفجى دكانى ملكنك اتى حصه اعتباريله بروككنك در تيوز سكسان حصه اعتباريله يكرى بر حصص شايه سنك تاريخ اعلاندن اعتباراً اون بش كون صوكره بالزايده فروخته ثبوت اوله جنى در سعادت اعلامات نظاميه اجرا داره سندن اعلان اولنور .

آلة نهارت محكمه سنده :

آطنه ده چارسوى كيرده چانجى روين كوشك ريانك ۱۵ نيسان سته ۳۲۴ تاريخندن اعتباراً اعلان افلاسته ومصالح افلاسيه نك رؤيت وتسويه سى ضمنده اعضاى محكمه دن رفعتلو محمود افدينك زوز قوميسر ودعوى وكيللرندن لامع افدينك موقت سندنك تعيينلر ينه ومغازيه سيله اشياى زائده بيتيه نك تمهر ينه واوراق ودفاترينك جلبه وكفالت مصدقه ارانه ايدهرمديكى تقديرده حبس وتوقيفه وبوباده كى قرارك موقتاً اجرا سنده آطنه تجارت محكمه سنجه قرار ویرلش اولديغندن قانوننامه تجار ك ۱۷۰ نجى ماده سى موجبنه دائى سندنكر انتخاب اولنق اوزره اشبو ۳۲۴ سته سى نيسانك اوتوزنجى چهارشنبه كوتى ساعت اتى راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سته كللى اعلان اولنور .

تلفور طاعى نهارت محكمه سنده :

تكفور طاعى تجارت محكمه سندن افلاسه حكم اولنش اولان تكفور طاعنك ارش محله سنده مقيم دباغ هاجى كركور قصابيانك خصوصات افلاسيه سنك رؤيت وتسويه سى ضمنده دعوى وكيللرندن عزتلو عادل بك ايله رفعتلو طوماس افندى اصالة سنديك تعيين قلمش اولدقلرندن مفلس مرقوم ذمتده آله جنى اولانلرك قانوننامه تجار ك ۱۹۹ و ۲۰۰ نجى ماده لرى موجبنه تحقيق ديون ايجون تاريخ اعلاندن اعتباراً يكرى بر كون ظرفنده سندانى محكمه كاتبه تسليم ايللى ومدت مذكوره ختامندن صوكره اوچ

کونده یعنی ۳۲۳ سنه سی کانون اولنک دردنجی صالی
بشنجی چهارشنبه والتنجی پنجشنبه کونلری محکمه
مذکوره مک مصالح افلاسیه رؤیتنه مخصوص اوطه سنه
کله رک سنديک افنديلر مواجهه سنده آله جقلى اثبات
وقيد وتصديق ايتديرملری ومدت مذکوره اثبات
وجود ایدهمیان آله جقلولر حقسنده قانون مذکورک
۲۱۰ نجی ماده سنه توفیقاً ایفای معامله اولنه جنى
اعلان اولنور .

انقره تجارت محکمه سنه :

آقره ده بدستان چارسو سنده مانيفاطوره
تجارتيله مشغول ايکن آنقره تجارت محکمه سنندن
افلاسنه حکم اولنش اولان عجميان کرقرور ذمتنه
آله جنى اثبات ويا موقتاً قبول وقيد ايتديرمش اولان
آله جقلولرک قانوننامه تجارتک ۲۱۱ نجی وآنی ولی
ایدن ماده سی موجبنه مفلس طرفندن تکلیف
اولنه جنى قونقوردا تونک مذاکره سی ایچون ۳۲۴
سنه سی مایسنک سکننجی پنجشنبه کونی محکمه
مذکوره مک مصالح افلاسیه رؤیتنه مخصوص اوطه سنه
کلری اعلان اولنور .

مدلولو بدایت محکمه سی اجرا دائره سنه :

مدلولو ده مقیم دیمتری صالته افندينک پافله
قریه سنندن صوتیر ولد ارکیر باربام ذمتنه با اعلام
محکوم به آله جنى بولسان مبالغ معلومه نک تأمین
استیفاسی ضمننده پافله قریه سنک قاری موقعنه قرق
بش و ملیس موقعنه قرق درت و پترو مانديره موقعنه
یتش سکر زیتونلک ايله آيایانی موقعنه ۱۲ نومرولی
ترلا ده پدرندن منتقل ربع حصه نک محجوز اولوب
تاریخ اعلاندن اعتباراً اون بش کون صوکره بلمزاید
فروخته تشبث اولنه جغندن طالب اولانلرک مدلولو
سنجانی بدایت محکمه سی اجرا دائره سنه مراجعت
ایملری اعلان اولنور .

مدلولو ده مقیم قهوه جی اطناش نیارلک صارلیجه لی
آندون جوانو نام دیکری صولون ولد یانی تیره یانو
ذمتنه با اعلام محکوم به آله جنى بولسان مبالغ تأمین
استیفاسی ضمننده صارلیجه قریه سنک شیوبا موقعنه
۴۳ نومرولی زیتونلکی محجوزاً اجرا قلنان مزایده سنده
ایکی بیک اوچیز الی غروشه تقرر ایدره ک موقت
قرارداده سی کشیده قلنمغه تاریخ اعلاندن اعتباراً
اوتوز بر کونه قدر یوزده بش ضم ايله طالب اولانلرک
مدلولو سنجانی بدایت محکمه سی اجرا دائره سنه
مراجعت ایملری اعلان اولنور .

صارلیجه لی جیل افندينک نيقوله تودوشیادی
زوجه سی ایراطو بنت واسیل مانده ذمتنه با اعلام
محکوم به آله جغندن طولانی صارلیجه قریه سنک تینه
موقعنه ۶۸ نومرولی نصف حصه زیتونلکده
اوچیز بش اغاج محلی محجوزاً اجرا قلنان مزایده
سنده اوتوز بر بیک یوز غروشه طالبی عهده
سنده تقرر ایدره ک موقت قرارداده سی کشیده
قلنمش اولمغه تاریخ اعلاندن اعتباراً اوتوز بر
کون ظرفنده یوزده بش ضم ايله طالب اولانلرک
مدلولو سنجانی بدایت محکمه سی اجرا دائره سنه
مراجعت ایملری اعلان اولنور .

صارلیجه لی بقال نيقوله ولد یانی صاوا وامرسوده نک
قریه مزبورولی استراتی ولد صاوا قتیقه ذمتنه
با اعلام محکوم به آله جقلى بولسان مبالغ تأمین
استیفاسی ضمننده مذکور قریه نک قوری چشمه
موقعنه ۳۶ نومرولی برقطعه زیتونلکی اجرا قلنان
مزایده سنده درتیک درتیز غروشه طالبی عهده سنده
تقرر ایدره ک موقت قرارداده سی کشیده قلنمش
اولمغه تاریخ اعلاندن اعتباراً اوتوز بر کون ظرفنده
یوزده بش ضم ايله طالب اولانلرک مدلولو سنجانی
بدایت محکمه سی اجرا دائره سنه مراجعت ایملری
اعلان اولنور .

النی پورقوب حاجی دیمترینک آپوستول متریلیا
زوجه سی آمالیا بنت حاجی مارکو ذمتنه با اعلام
محکوم به آله جنى بولسان مبالغ تأمین استیفاسی
قولباره محله سنده ۳۵ نومرولی برقطعه عرصه سی
محجوز اولوب تاریخ اعلاندن اعتباراً اون بش کون
صوکره بلمزاید فروخته تشبث اولنه جغندن طالب
اولانلرک مدلولو سنجانی بدایت محکمه سی اجرا
دائره سنه مراجعت ایملری اعلان اولنور .

مستغالی یورکی میخال بابانه نک الی پنا یوط
غربمانی ذمتنه با اعلام محکوم به آله جنى بولسان مبالغ
معلومه نک تأمین استیفاسی ضمننده مدیونه نک مستغنا
قریه سی جوارنده ۳۵ نومرولی زیتونلکی محجوزاً
اجرا قلنان مزایده سنده بشیوز وایکنجی طراملا
موقعنه ۲۰ نومرولی زیتونلکی اوچیز غروشه
طالبی عهده سنده تقرر ایدره ک موقت قرارداده سی
کشیده قلنمش اولمغه تاریخ اعلاندن اعتباراً اوتوز بر
کون ظرفنده یوزده بش ضم ايله طالب اولانلرک
مدلولو سنجانی بدایت محکمه سی اجرا دائره سنه
مراجعت ایملری اعلان اولنور .

اذمیده سنجانی بدایت محکمه سی اجرا دائره سنه :

اذمیده قصاب اصنافندن حاجی مصطفی بکک
اذمیده تابع باغچه جک ناحیه سنک کلیسا محله سنندن
قصاب غزاروسیان اوخانس اوغلی نشان ذمتنه
برقطعه اعلام نظامی ايله آله جنى اولان مبالغ
معلومه نک تأمین استیفاسی ایچون مدیون مرقومک
ناحیه مرقومه ده اوخانس اوغلی موقعنه کائن شرقاً
طریق غرباً برادرلری مغردیج و آغوب ونظرت
باغچه لری شمالاً غزاروس خپارسوم باغچه سی جنوباً
کچه جی حاجی قره بت چالینلی ايله محدود اوچ دونم
مقداری مفرز دوت باغچه سی بیک وینه ناحیه مذکورک
خاچیک یوس موقعنه واقع شرقاً برادرلی نظرت
باغی غرباً کچه جی خپارسوم شمالاً طریق جنوباً
کچه جی وهاجی آرتین وقوندوش اوخانس باغی ايله
محدود مفرز مقدما باغ الیوم ایکی اولک دوت باغچه سی
بشیوز غروشه که جمعاً ایکی قطعه باغچه بیک بشیوز
غروشه طالبی عهده سنده تقرر ایتش اولدیغندن
یوزده بش ضم ايله طالب اولانلرک تاریخ اعلاندن
اعتباراً اوتوز بر کون ظرفنده اذمیده سنجانی بدایت
محکمه سی اجرا دائره سنه مراجعتله پی سورملری
ومدت مذکوره نک انقضاسنی متعاقب قرار قطعیسی
کشیده قلنه جغندن آندن صوکره ضم قبول اولنیه جنى
دائره مذکوره دن اعلان اولنور .

اذمیده پینرجی حاجی میقائیل دامادی متوفی
سورن زوجه سی آغونی قادینک برقطعه اعلام شرعی
موجبنه مرقوم سورن ذمتنه آله جنى اولان مبالغ
معلومه نک تأمین استیفاسی ایچون متوفای مرقومک
اذمیده ارمنی مزارلنی قارشوسنده کائن شرقاً صو
اقتیسی غرباً توتونجی میساق دوت باغچه سی شمالاً
یول جنوباً صاحب سند قهوه و آخوری ايله محدود
ویوز الی عدد مقداری دوت اغاجنی حاوی ایکی
دونم برقطعه دوت باغچه سی ودرونسده کائن برباب
کهنه آخور و برباب قهوه خانه مع اوطه نک اوچیک
غروشه طالبی عهده سنده تقرر ایتش اولدیغندن
یوزده بش ضم ايله طالب اولانلرک تاریخ اعلاندن
اعتباراً اونوز بر کون ظرفنده اذمیده سنجانی بدایت
محکمه سی اجرا دائره سنه مراجعتله پی سورملری
ومدت مذکوره انقضاسنی متعاقب قرار قطعیسی
کشیده قلنه جغندن آندن صوکره ضم قبول اولنیه جنى
دائره مذکوره دن اعلان اولنور .